



## XIV

Congregatio generalis decima quarta habita est die 7 novembris, hora 9 ante meridiem. Interfuerunt 2.214 Patres, nempe 68 cardinales, 5 patriarchae, 9 primates, 401 archiepiscopi, 1.625 episcopi, 11 abbates nullius, 11 praelati nullius, 84 superiores generales.

Missam celebravit iuxta ritum romanum P. D. Paulus Nguyen Van Binh, arch. Saigonensis. Cantores Cappellae Sixtinae exsecuti sunt cantus: *Da pacem* (Bartolucci), *O salutaris hostia* (Bartolucci), *Crux fidelis* (Bartolucci).

Missa expleta, secretarius generalis intimavit: *Exeant omnes*, et P. D. Robertus Dosseh, arch. Lomensis, S. Evangelii codicem super paratum thronum statuit.

Card. Normannus Gilroy, arch. Sydneyensis, precem *Adsumus...* recitavit, et secretarius generalis, proclamato nomine primi praesidis, annuntiavit post cap. III fieri disceptationem circa cap. IV, et deinde circa capp. V, VI, VII, VIII una simul. Post schema *de sacra Liturgia* incipiet disceptatio de constitutione dogmatica *de fontibus revelationis*.

Ex ordine ad loquendum de cap. III vocati sunt Petrus Rougé, ep. tit. Gispensis, coad. c.i.s. Nemausensis, Florentius Angelini, ep. tit. Messeniensis, Vilelmus Kempf, ep. Limburgensis, Clemens Isnard, ep. Neo-Friburgensis, Ioseph Hildefonsus Sansierra, ep. tit. Oriensis, aux. S. Ioannis de Cuyo, Aloisius Faveri, ep. Tiburtinus, Antonius Mistrorigo, ep. Tarvisinus, Aurelius Del Pino Gómez, ep. Illerdensis.

Hora 10,35 secretarius generalis Patres invitavit ad exsequias, sequenti die, hora 10, habendas, in suffragium cardinalium necnon ceterorum Patrum, qui elapso anno vita functi erant.

Dein continuata est disceptatio de cap. III et ex ordine ad loquendum vocati sunt Ioseph Sibomana, ep. Ruhengeriensis, Franciscus Peralta y Ballabriga, ep. Victoriensis, Hadrianus Djajasepoetra, arch. Djakartanus, Vilelmus Bekkers, ep. Buscoducensis, Carolus Wojtyla, ep. tit. Ombitanus, vic. cap. Cracoviensis, Vilelmus van Bekkum, ep. Rutingensis, Eugenius D'Souza, arch. Nagpurensis, Alcides Mendoza Castro, ep. tit. Metrensis, aux. Abancaiensis, Andreas Wronka, ep. tit. Vatabensis, aux. Gnesnensis, Ioseph Malula, ep. tit. Attanasensis, aux. Leopoldopolitanus, Ferdinandus Romo Gutierrez, ep. Torreonensis, Fidelis Garcia, ep. tit. Sululitanus, Aemilius Tagle Covarrubias, ep. Vallis Paradisi.

Facultati loquendi de cap. III renuntiarunt Ioseph Arnerić, ep. Sibenicensis, Ioannes McQuaid, arch. primas Dublinensis, Vilelmus Con-



nare, ep. Greensburgensis, Sergius Méndez, ep. Cuernavacensis, Ioannes Iulianus Weber, arch. Argentinensis, Vincentius A. González y Robleto, arch. Managuensis.

Hora 11,45 secretarius generalis ex ambone transitum ad disceptationem de cap. IV schematis *de sacra Liturgia* Patribus significavit, cuius initium legit.

Ex ordine ad loquendum vocati sunt cardd. Ioseph Frings, arch. Coloniensis, Ernestus Ruffini, arch. Panormitanus, Valerius Valeri, Ferdinandus Quiroga y Palacios, arch. Compostellanus, Paulus Léger, arch. Marianopolitanus.

Hora 12,20 S. Evangelii codex repositus est et, precibus *Angelus... Agimus...* recitatis, secretarius generalis intimavit proximam congregationem generalem die 9 novembris habendam, hora 9.

## XV

Congregatio generalis decima quinta habita est die 9 novembris, feria VI, hora 9 ante meridiem. Interfuerunt 2.216 Patres, nempe 71 cardinales, 7 patriarchae, 9 primates, 401 archiepiscopi, 1.623 episcopi, 11 abbates nullius, 11 praelati nullius, 83 superiores generales.

P. D. Hector Cunial, arch. tit. Soteropolitanus, Urbis vices gerens, Missam in anniversario dedicationis Basilicae Lateranensis celebravit iuxta ritum romanum.

Cantores Cappellae Sixtinae cantus exsecuti sunt: *Caelestis Urbs Ierusalem* (Bartolucci), *O memoriale*, *O sacrum convivium*.

Post Missam secretarius generalis intimavit: *Exeant omnes*. S. Evangelii codicis inthronizatio peracta est a P. D. Mauritio Perrin, arch. Carthaginensi.

Card. Ioseph Frings, arch. Coloniensis, precem recitavit *Adsumus...*, et secretarius generalis, ex ambone, proclamato nomine primi praesidis, nomina Patrum legit, qui de cap. IV schematis *de sacra Liturgia* loqui postulaverant.

Ad loquendum ex ordine vocati sunt: cardd. Emmanuel Gonçalves Cerejeira, patriarcha Lisbonensis, Franciscus Spellman, arch. Neo-Eboracensis, Stephanus Wyszyński, arch. Gnesnensis et Varsaviensis, Vilelmus Godfrey, arch. Westmonasteriensis, Ioseph Lefebvre, arch. Bitoricensis, Iulius Döpfner, arch. Monacensis et Frisingensis, Albertus Meyer, arch. Chicagiensis, Rufinus Santos, arch. Manilensis, Ioannes Landázuri Ricketts, arch. Limanus, Antonius Bacci, Augustinus Bea, Anselmus Albareda; Vilelmus Connarc, ep. Greensburgensis, Sergius